

سپاه داعشیدن آغیر انتقام آلدی

اسلامی انقلاب سپاه پاسدارانی بیر اطلاعیه ضمنینده، سپاهین سوریه‌نین دیرالزوروندا یئرلشن تکفیری تروریستلرین فرماندهلیق مرکزی و بیغینجاق یئرلرینی، تهرانین اخیر تروریستی جریانین انتقامیندا موشک اینن وورماسیندان خبر وئردی.

اسلامی انقلاب سپاه پاسدارانی بیر اطلاعیه ضمنینده، سپاهین سوریه‌نین دیرالزوروندا یئرلشن تکفیری تروریستلرین فرماندهلیق مرکزی و بیغینجاق یئرلرینی، تهرانین اخیر تروریستی جریانین انتقامیندا موشک اینن وورماسیندان خبر وئردی.



سپاه نیوزون وئردیغی خبره گؤره، سپاهین عمومی رابطه‌لری بیر بیانیه صادر ائله‌ماغینان بو خبری یایدی. سپاهین عمومی رابطه‌لرینین وئردیغی بیانیه‌نین متنی بو شرح ایندیر:

بسم الله الرحمن الرحيم

تکفیری تروریستلرین 96-جی ایلین خردادین 17-سینده تهراندا تروریستی جنایتی نتیجه‌سینده 18 نفر اوروج و مظلوم جماعتین شهادتی و هم‌وطنلریمیزین بیر چوخونون پارالانماسیندان سونرا سپاه اعلام ائله‌دی: «هنج پاک قانون تۆکولمه‌سی جوابسیز قالما‌یاجاق».

بونا گؤره سپاه ذات اقدس ایلاهی دن کؤمک آماغینان و قهرمان ایران جماعتی، معظم شهید خانواده‌لری و امامین (ره) مطهر حرمینده و اسلامی شورا مجلسی‌نین اداری ساختمانیندا تروریستی عملیاتدا صدمه گؤرنلرین ناییب کیمی، نجه لحظه قاباق سوریه‌نین شرقینده دیرالزوردا یئرلشن تکفیری تروریستلرین فرماندهلیق مرکزی، بیغینجاق یئرلری و تکفیری تروریستلرین انتحاری ماشینلارین حاضرانما مرکزی، جنایتکار تروریستلرین تنبیهی اوچون، موشک ایله ووردو.

بو عملیاتدا سپاهین کرمانشاه و کردستان موشک پایگاهلاریندان بیر تعداد بالستیک موشک اینن تکفیری تروریستلرین مرکزینده اؤلدوروجو ضربه‌لر وورولدو.

اله گلن خبرلره گؤره، بو عملیات نتیجه‌سینده تکفیری تروریستلرین چوخو هلاک اولوب چوخلو تجهیزات، سیستمو سلاحلاری منهدم اولوب.

بو انقلابی و مجازاتا بنزر اقدامین پیامی تماماً آیدیندیر. سپاه تکفیری تروریستلره و اونلارین منطقه و بین‌المللی حامیلارینا هشدار وئیر، ایران جماعتی علی‌هین شیطانی و کیفیر اقداملاری تکرار اولسا، سپاهین انقلابی غضبی و انتقام آلولاری، اونلارین عامل‌لری و سبب اولانلارینی توناجاق و جنایتکارلاری جهنمه واصل ائله‌یه‌جاق.

اسلامی ایرانین عظیم الشان جماعتینه اطمینان وئریلیر، انقلاب پاسدارلاری اللهین عنایتی و او بیرى نظامی و انتظامی، اطلاعاتی و امنیتی نیرولارین مشارکتی و همراہلیغی اینن ملی امنیتی قوروماق و ضد امنیتی و فتنه‌لری سیندیرماق اوچون، هنج تلاشدان اسیرگه‌میه‌جاق و مناسب اقداملاری اؤز برنامه‌سینده یئرلشدیره‌جاق.

تکمیلی خبرلر متعاقباً ایرانین شریف جاعتین حضورونا چاتدیریلجاق.

اسلامی انقلابین سپاه پاسدارانی‌نین عمومی رابطه‌لری